

# He Moohiohio Tirohanga Ahuwahaanui maa Te Kaiako

## **Nгаа Waka**

Ka riro maa te waka hei kawе ngaa kaimahi kura me ngaa aakonga ki te waahi o te tiro whaanui, ka noho hei takohanga maa te kura.

## **Te Waataka**

Ko te raa ka koowhiria moo te tirohanga maataitai, te tikanga me tai timu i te tuupoupoutanga o te raa. He pai tonu te tango taatauiria i te waa o ngaa tai nunui, naa te maarakeraketanga o te takutai i te timunga tai. Ka haere tonu eenei tai nunui moo eeteahi raa, e rua raa i te marama. Naa reira e kore ngaa tirohanga e whakakorea takekoretia, haaunga moo ngaa aawhaa me ngaa tuupuhi te take.

Ka rerekee te waa i teenaa waa i teenaa waa, engari moo te nuinga ka haere moo te 3-4 haaora, tae atu ki ngaa takiwaatanga, engari kaaore te waa haaereere e huia ki roto. Moo ngaa tirohanga naa te HGF i whakarite ka whakatakotoria he waataka, me ngaa taangata o te kura.

## **Te Takatuu**

Maa too roopuu tautoko o te peka o te Huihuinga o Tiikapa Moana o Hauraki\* (ina koa te kaunihera aa-rohe, ngaa kaimahi o Te Papa Atawhai raanei) koe e aawhina ki te hoahoatanga o teeteahi maatiti tango taatauiria takutai, ki te whakatakoto hoki i ngaa raarangi tiipokatanga me ngaa waahi tango taatauiria, ki teeteahi whakaahua rererangi o too takiwaa. I muri i te tirohanga tuatahi, me whakatoituu ngaa waahi tango taatauiria nei moo ngaa tirohanga katoa whai i muri, aa ngaa tau e tuu mai nei.

Ka aawhinatia aa-ringatia koe kia tuutohutia te maatiti tango taatauiria i te takutai, kia whakahaeretia hoki te tirohanga maataitai. Hei te matatautanga o ngaa kaiako ki ngaa ritenga, ka kaha ake pea te tuu motuhake o ngaa kura.

*\* Ko te hoatutanga o ngaa tautoko kaiwhakarite ka haere i raro i ngaa whaainga matua o HGF me oona whaainga raeumi i teenaa waa, i teenaa waa. Me rapu raihana motuhake i te Tautiaki i Te Tini a Tangroa hei whakahaere i ngaa mahi arotake maataitai, mehemea kei te tango taatauiria koe i neke atu i te herenga 50 tuangi, pipi raanei maa ia tangata.*

## **Te Whakahaere Moorearea**

Ko teenei mea te whakahaere moorearea moo ngaa aakonga whai waahi mai ka noho tonu hei haepapa moo te kura. Kua oti teeteahi reta whakaae maa ngaa maatua me teeteahi mahere whakahaere mooarearea te hora mai i konei, maa ngaa kura e menamena ki taa raatou e hiahia ana. Me hoatu ia kura i toona paepae takai, rongoaa, me te whakarite anoo hoki i te tokomaha o ngaa kaiaawhina pakeke e tika ana hei whakatika i te kaupapahere whakahaere moorearea o te kura. Ka aromatawaitia ngaa aahuatanga o te rangi e te kaiwhakarite tirohanga kia moohiotia ai he rangi pai, he rangi tootika. Ko te whakatau moo te whakakore i teeteahi tirohanga ka mahia e te kaiwhakarite tirohanga i te taha anoo o ngaa kaimahi o te kura.